# **Universal Declaration of Human Rights - Komi-Permyak**

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, http://www.unicode.org/udhr.

# Морт правоэзлон быдос мирись отласа декларация

Примитём и паськыта юёртём Генеральнёй Ассамблеялён 217 А (111) резолюцияён декабрь 10 лунё 1948 годё

# Кыводз

Медбы тöдны, что морт семьяись быд членлöн эм аслас достоинство, а сылöн öткодь да мырддьытöм правоэз лоö воля, справедливость да лöнь олан понда основаöн; медбы тöдны, что морт правоэз нем туйö пуктöм вайöтіс ни умöль, кöда морт увтырлö оз сет овны совесть сьöрті, и что сэтшöм мирыс, кытöн отирыс пондас авйыны да сернитны повтöг, а овны нуждатöг, лоас сьöлöмсянь керöм быдöнныс понда; и

медбы тöдны, что колö керны быдöс, медбы мортлöн пра- воэз дозирайтсисö законöн и эз адззисьö моггез мортыслö лэбтісьны паныт умöля видзöмлö да дзескöтöмлö; и

медбы тöдны, что пыр колö отсавны отиррезлö ёртасьöмын; и

медбы тöдны, что Йитöм Нацияэзлöн народдэз гижисö вын мортлісь медыджыт правоэз, вылына лэбтісö личностьлі дон, мужиккезлісь да инькаэзлісь öтыжда правоэз и кутчисисö эшö ёнжыка отсавны социальнöй прогресс да вольнöй олан бурсьöтöмын; и

медбы тöдны, что членнэз-государствоэз кöсйисисö отсавны Нацияэзлöн Йитöм Чукöрлö öтласа уджын, öтамöд коласын мopт правоэз сьöpтı бытшöма да вольнöя олöмын; и

медбы тöдны, что энö правоэсö да свободаэсö позьö тырмö пыртны оланас дзир сэк, кöр быдöнныс вежöртöны нылісь ыджыт донсö,

ГЕНЕРАЛЬНОЙ АССАМБЛЕЯ паськыта юорто это морт правоэзлісь быдос мирись отласа декларациясо кыдз задача, кодо керны коло вынтотчыны быд отирло и государстволо сійон, медбы быд мортыс и быд общественной это Декларациясо юрын ороттог видзтон, просвещенне да велотчом увья вынтотчисо керны быдос, медбы донтны эно правоэсо да свободаэсо, пыртны нійо олано национально да отиррезлон отласа прогрессивной праздниккезо Чукорись членнэз-государствоэзлон быд отиррезон бытшома примитомон.

#### 1 гижот

Быдöс отирыс чужöны вольнöйезöн да öткоддезöн достоинствоын да правоэзын. Нылö сетöм мывкыд да совесть овны öтамöдныскöт кыдз воннэзлö.

### 2 гижёт

Быд мортло борйисьтог сетсьоны быдос правоэз да эз, кодна висьталомось эта Декларацияын, кытшом бы эз вов раса, кучиклон ром, пол, кыв, ено веритом, политической да модік вежор, национальной нето социальной петом, имущество да сословие.

Сідз жö оз позь торйöтлыны политическöй, правовöй нето страналöн международнöй статус увья, нето сьöрті, кытöн олö мортыс, ась эта территорияыс вольнö кинкö увтын, аснас оз веськöтлы нето кыдз-нибудь мöднёж зэлöтöм суверенитетын.

3 гижот

Быд мортлон эм право овны дзескоттог да ворзьоттог.

4 гижёт

Некинöс оз позь видзны рабствоын нето пöдан сайын; раб видзöм да раббезöн вузасьöм оз вермö вöвны миян оланын.

5 гижот

Некинос оз вермо пытайтны, уськотны мортыслісь достоинство умоль мог нето наказаннё пыр.

6 гижёт

Быд мортлон, кытон бы сія эз вов, эм право лыддьыны асьсо праволон субъектон.

7 гижёт

Мийо быдонным законыс одзын откодьось и отмоза дорйомось. Миян быдоннымлон эта Декларация сьорті право дорйыны асьнымос быдос умольсянь, кинсянь бы сія эз лок.

8 гижёт

Быд мортлöн эм право бертны аслыс öштöм правоэз, кöдна сетöмöсь сылö конституцияöн нето законöн, тöдчана национальнöй суддэзын.

9 гижот

Некинос оз позь законтог арестуйтны, кутны нето вотлыны.

10 гижöт

Быд мортлöн, кöр сıйö винитöны уголовнöй статья сьöртı, право тöдны справедливöй независимöй судын ассис правоэз да обязанносттез и эм я мыйкö сэтшöмыс, мед сıйö винитны.

11 гижöт

- 1. Быд морт, кöр сійö винитöны умöльын, вермö лыддисьны правöн сэтчöдз, кытчöдз сылісь умöль керöмсö законнö оз мыччав осьта суд, кытöн мортыслö сетсьö быдöс дорйöт понда.
- 2. Некинöc оз позь судитны мый понда бы эз вöв, ежели эта коста керöмась нацональнöй закон нето быдöc отиррезлöн право сьöрті нем умöльыс эз вöв. Оз вермы сідз жö мыжйöмыс сьöкытжыкöн сысся, кöда вермис лоны сетöм умöль керöмыс коста.

12 гижот

Некин оз вермы дзугны мортлісь ассис да семейной ворзьотны сылісь оланін, честь да бур ним. Быдыслон эм право сайовтны асьсо ворзьотломмезсянь законон.

13 гижёт

- 1. Быд мортлöн эм право вольнöя ветлöтны и бöрйыны аслыс горт кöть кытшöм государствоын.
- 2. Быд морт вермо мунны йоз и аслас странаись и бертны аслас странао бор.

### 14 гижёт

- 1. Быд мортлöн эм право дзебсисьны вöтлöмсянь мöдік странаэзын и овны сэтчин.
- 2. Эта правоыс öшö сэк, кöр мортсö кошшöны не политическöй преступленнё понда, а мöдік умöлись, мыйыс мунö паныт Нацияэзлöн Йитöм Чукöрлöн принциппезлö да моггезлö.

### 15 гижöт

- 1. Быд мортлон эм право гражданство выло.
- 2. Некинлісь оз вермо весись мырддьыны гражданство нето правосо вежны сійо.

### 16 гижёт

- 1. Мужиккез да инькаэз, кодна лыддисьоны нолетньойезон, вермоны готрасьны, керны семья, кытшо бы нылон раса, национальность нето религия эз во Нылон эмось откодь правоэз готрасьны, отлаын овны и торйотчыны.
- 2. Гöтрасьны позьö дзир сэк, кöр кыкнан мортыс олöны бы öтлаын.
- 3. Семья это учотик, но дона колана торок отирыслон, и отирысло да государствоысло коло дорйыны сійо.

### 17 гижот

- 1. Быд мортлон вермас лоны имущество кыдз аслас, сідз и отласа.
- 2. Некинлісь оз позь мырддьыны имуществосо астогьяс.

### 18 гижöт

Быд мортыс вермо асмознас авйыны, совеститчыны да ны енло; эта правоыс сето вежны ассит ен, моднеж вежортны олан, отнатло и отлаын модіккезкот донтны коть кытшом енос да ассиныт арт, велотчыны, юрбитны да чулотны религиозной да ритуальной обряддэз йоз дырни нето дзир аскоттят.

# 19 гижёт

Быдыс вермо артавны асмознас и коть кытон баитны эта йылісь йозло; эта правоыс сето мортысло воля овны аслас юрон, повтог кошшыны, адззыны да новйотны омон юо да ассис арттэз кыдз сія только кужо и кытшом бы границаэз сайын эз вов.

### 20 гижёт

- 1. Быд мортлон эм право оксьыны отлао да бытшома сёрнитны, а сідзжо йитсьыны чукоррезо.
- 2. Некинос оз позь вынон пыртны кытшом-либо чукоро.

# 21 гижöт

- 1. Быд мортыслöн эм право веськöтлыны аслас странаöн веськыта нето вольнöя бöрйöм йöз пырйöт.
- 2. Быд мортыс вермо отмоза керны аслас странаын государственной
- 3. Отирлон воляыс, тшоктомыс эм юраліссез властьло основа; эта воляыс мыччассьо выборрезын, ко чулотсьоны быдос отирон и откодя борьян право сьорті гусьона голосуйтомон нето моднёж, но тожо

свободноя голосуйтомон.

# 22 гижöт

Быд мортлон, кыдз обществолон членлон, эм право социальной отсот выло, вылына видзны ассис достоинство, свободноя зоротны личность экономической, социальной да культурой сфераэзын национальной уджон, отиррез коласын ёртасьомон да быд государстволон структура да вермом сьорті.

# 23 гижöт

- 1. Быд мортлён эм право уджавны, свободнёя бёрйыны удж, корны уджын бытшём да справедливёй условиеэз, дорйисьны, медбы уджсис эз чапкё.
- 2. Быд мортлон эм право откодь удж понда откодь вештом выло, кытшом-либо дискриминациятог.
- 3. Быд уджалісь мортлон эм право бытшом да справедливой вештом выло, медбы сія ачыс и сылон гортіссес вермисо овны достойноя, а кор ковсяс, адззисо модік социальной отсот.
- 4. Быд морт вермо аркмотны профессиональной чуко да пырны эна профессиональной чукоррезо асьсо дорйом понда.

# 24 гижöт

Быд мортл**öн эм право шоччисьны, корны, медбы уджы**с дыр**öв эз кыссьы и кадісь кад**ö вöлі сетöм вештана отпуск.

# 25 гижöт

- 1. Быд мортлон эм право сэтшом олан выло, кор тырмис бы сёян, паськом, волі бы оланін, шоготтэзісь веськотом, колана социальной отсот, кор ачыс мортыс и сылон гортіссес олісо бы шогавтог да бура, сідзжо эм право отсот выло, ежели мортыс оштіс удж, пондіс шогавны, лоис инвалидон, кольччис отнас нето сыло немон лоис овны не ас кузяас.
- 2. Кага вайом да челядь зоротом сетоны право бытшом дозирайтом да отсот выло. Быд челядёклон, кодна чужисо гижсьом ай-мамлон нето гижсьытог, эм откодь социальной дорйот.

# 26 гижöт

- 1. Быд мортлон эм право велотчыны. Коло керны быдос, медбы коть начальной да общой образованнё волісо вештісьтог. Начальной образованнёмс быдонныс понда лоо обязательнойон. Технической да профессиональной образованнёмс сетсьо быдло, отмоза сетсьо быд мортыслон сы вермом сьорті и высшой образованнё.
- 2. Мортсо коло велотны сы понда, медбы бура зораліс сылон личность, содіс уваженнё сылон правоэз да свободаэз дыно. Велотчомыс отсало вежортны отамодос, керо мортсо небытон, отирресо ёртасьото, отсало йитсьыны раса да енло веритом сьорті чукоррезло, а Нацияэзлон Йитом Чукорло керны да дорйыны бытшом лонь олан.
- 3. Ай-мамлöн эм приоритет бöрйыны, кытöн ны поснит челядьлö велöтчыны.

# 27 гижöт

1. Быд мортлён эм право пуктыны пай ётласа культурнёй оланё, гажётчыны искусствоён, зорётны научнёй прогресс да тёдны сылісь быдёс бурсё.

2. Быд мортлон эм право дорйыны ассис моральной да материальной вермоммез, кодна шедтомось сыон кыдз авторон научной, литературной нето художественной уджон.

# 28 гижöт

Быд мортлён эм право социальнёй да отиррез коласын примитём порядок вылё, кёда сьёрті эта Декларацияын гижём правоэс да воляэс вермасё быдсён лоны пыртёмёсь оланё.

# 29 гижöт

- 1. Быд мортыс видзö кыв отир одзын, кöда öтнас вермö сетны сылö вольнöя да бытшöма зоравны.
- 2. Быд мортлісь правоэсо да волясо законысло коло джендотны дзир сы понда, медбы не оштыны правоэсо да свободаэсо модіккезло, а демократической йоз коласас вылына видзсис мораль, волі дзугсьытом да бур олан.
- 3. Эна правоэс да воляыс оланын некöр оз вермö мунны паныт Нацияэзлöн Йитöм Чукöрлöн принциппезлö да моггезлö.

# 30 гижöт

Нем эта Декларацияын оз вермы лоны вежöртöм сıдз, бытьтö кытшöм-либо государстволö, йöз чукöрлö нето торья морттэзлö сетöм право удж вылö нето керны мый-либо сэтшöмö, мый бы мырддис правоэсö да волясö, кöдна висьталöмöсь эта Декларацияын.